



**Convenio de Colaboración
entre a Universidade de Santiago de Compostela
e a Consellería do Mar**

**PARA O DESENVOLVEMENTO DO PROXECTO DE INVESTIGACIÓN
“POBOACIÓNS MICROBIANAS E CONTROL DE PATÓXENOS EN
CRIADEIRO DE BIVALVOS. CARA AO CRIADEIRO DO FUTURO.”
(AGL2017-86183-R)**

MEMORIA XUSTIFICATIVA

A Directora Xeral de Desenvolvemento Pesqueiro da Consellería do Mar

DECLARA:

Que esta Dirección Xeral de Desenvolvemento Pesqueiro ten previsto formalizar coa Unoversidade de Santiago de Compostela (USC), o instrumento convencional arriba referido por un período de vixencia que abranque dende a súa sinatura por ambas *Partes* e estenderase ata a completa finalización das obrigacións da USC, como entidade beneficiaria, ante a AEI.

A duración das actividades de investigación coincidirá coa prevista para o desenvolvemento do *Proxecto* de acordo coa indicada na Resolución de Concesión mencionada no expositivo Sexto.

Que o instrumento convencional ten por obxecto: regular a colaboración entre as *Partes* establecendo os termos e condicións polos cales se comprometen a cooperar para facilitar a execución dos traballos de investigación relacionados co *Proxecto* e fixar as obrigacións de carácter financeiro e de xustificación científico-técnica e económica ante a AEI, así como o tratamento dos resultados que xurdan froito da colaboración.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundaméntase no seguinte:

Que a USC é unha entidade de Dereito Público con personalidade e capacidade xurídica plenas e patrimonio propio, que realiza o servizo público da educación superior mediante a investigación, a





docencia e o estudo, asumindo e desenvolvendo as súas funcións ao servizo da sociedade, entre as que están a difusión, valorización e a transferencia do coñecemento ao servizo da cultura, da calidade de vida e do desenvolvemento económico. documentais a través de contratos de subministracións de publicacións mediante convocatorias públicas comúns ás tres Universidades, incrementando deste xeito a efectividade da investigación e da ensinanza ao aumentar os recursos bibliotecarios dispoñibles.

As *Partes* adoptarán todas as medidas necesarias para cumprir, sen demora e no seu debido tempo, con todas as súas obrigacións para que o *Proxecto* se execute de conformidade cos termos e condicións deste *Convenio*, e especificamente para realizar as tarefas asignadas a cada unha das *Partes* co fin de lograr os obxectivos do *Proxecto*, de acordo coa descrición das mesmas que se presenta na memoria técnica que se adxunta como *Anexo I* ao presente *Convenio*.

Así mesmo, as *Partes* comprométense, no que a cada unha lle corresponde, ao cumprimento das normas e condicións establecidas na convocatoria e coas que se especifiquen na Resolución de concesión da axuda por parte da AEI, que se achegará a este Acordo.

O CIMA informará á USC, a través do/da *Investigador responsable* e/ou da unidade administrativa ou técnica correspondente, da marcha dos traballos do *Proxecto* e da utilización da axuda de acordo coas condicións e obrigacións establecidas na convocatoria, na Resolución de Concesión e na Cláusula Sexta do presente *Convenio* ao obxecto de que a USC poda cumprir coas obrigacións de xustificación, seguimento e control das axudas como entidade beneficiaria.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato, quedando fora do ámbito de aplicación da Lei 9/2017, do 8 de novembro, de contratos do Sector Público, tal e como se establece no seu artigo 6, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste asínase esta memoria, en Santiago de Compostela.

